



Մ Ա Յ Ր Ա Թ Ո Ռ Ո Ւ Մ

ՄԱՐՏԻ 2-ԻՆ, ԱՆԱՌԱԿԻ ԿԻՐԱԿԻՆ, Մայր Տաճարում պատարագեց Հոգևոր Ճեմարանի փոխ-տեսուչ Հոգեշնորհ Տ. Մեսրոպ վարդապետ Անթարյանը: Քարոզեց Հոգեշնորհ Տ. Մուշեղ վարդապետ Պետիկյանը՝ «Հայր, մեղայ յերկինս և առաջի բո» բնարանով:



ՄԱՐՏԻ 6-ԻՆ, ՀԻՆԳՇԱԲԹԻ, Երեկոյան ժամը 4-ին Հոգևոր Ճեմարանում բանախոսեց ուխտավորարար Մայր Աթոռում գտնվող ծանոթ բանաստեղծ և «Նաիրի» շաբաթաթերթի խմբագիր պր. Անդրանիկ Մառուկյանը՝ «Քաղաքակրթություն և մշակույթ» թեմայի շուրջ: Դասախոսությունը ներկա էին Մայր Աթոռի միաբանությունը, Ճեմարանի դասախոսական կազմը, ուսանողությունը և Մայր Աթոռի պաշտոնեությունը: Բանախոսության վերջում, որը լավեց մեծ հետաքրքրությամբ, հարգելի բանախոսը պատասխանեց դասախոսության վերաբերյալ Ճեմարանի ուսանողության մի շարք հարցերին:



ՄԱՐՏԻ 8-ԻՆ, ՇԱԲԱԹ, Երեկոյան ժամերգությունից հետո, Մայր Տաճարում քարոզեց Հոգեշնորհ Տ. Նահապետ վարդապետը Հովհան Օձնեցի, Հովհան Որոտնեցի և Գրիգոր Տաթևացի մեր եռամեծ վարդապետների կյանքի և գործունեության մասին:



ՄԱՐՏԻ 9-ԻՆ, ՏՆՏԵՍԻ ԿԻՐԱԿԻՆ, Մայր Տաճարի փոխ-լուսարարապետ Հոգեշնորհ Տ. Երիշե վարդապետ Սարգսյանը պատարագեց Մայր Տաճարում: Քարոզեց գերաշնորհ Տ. Սահակ արքեպիսկոպոս Հովհաննիսյանը՝ «Տուր զհամար տնտեսության բո» բնարանով:



ՄԱՐՏԻ 13-ԻՆ, ՀԻՆԳՇԱԲԹԻ, Երեկոյան ժամը 4-ին, Հոգևոր Ճեմարանում, Հոգեշնորհ Տ. Մեսրոպ վարդապետ Անթարյանը ուսանողներին պատմեց Վեհափառ Հայրապետի և ՍՍՌՄ Մինիստրների Սովետի Նախագահի տեղակալ Անաստաս Իվանովիչ Միկոյանի հետ ունեցած հանդիպման իր տպավորությունների մասին, որը լավեց մեծ հետաքրքրությամբ:



ՄԱՐՏԻ 16-ԻՆ, ԴԱՍԱՎՈՐԱՅ ԿԻՐԱԿԻՆ, Մայր Տաճարում պատարագեց Հոգեշնորհ Տ. Մուշեղ վարդապետ Պետիկյանը և քարոզեց Հոգեշնորհ Տ. Մեսրոպ վարդապետ Անթարյանը՝ աղոթքի դերի և կարևորության մասին:



ՄԱՐՏԻ 16-ԻՆ, ԿԻՐԱԿԻ, առավոտյան ժամը 8-ին, Վեհափառ Հայրապետի կարգադրությամբ, Մոսկվա մեկնեց Հոգեշնորհ Տ. Եղիշե վարդապետ Սարգսյանը՝ զատկական տոները Մոսկվայի հայոց եկեղեցում անցկացնելու համար:

Նույն ինքնաթիռով Մոսկվա մեկնեց նաև պր. Անդրանիկ Մառուկյանը, մոտ մեկ ամիս Ս. Էջմիածնում որպես ուխտավոր մնալուց հետո:



ՄԱՐՏԻ 16-ԻՆ, ԿԻՐԱԿԻ, ժամը 12-ին, Վեհափառ Հայրապետը, ի գլուխ միաբանության, Էջմիածնի բնորակալ տեղամասում մասնակցեց ՍՍՌՄ Գերագույն Սովետի և Ազգությունների Սովետի ընտրություններին:



ՄԱՐՏԻ 17-ԻՆ, ԵՐԿՈՒՇԱԲԹԻ, Վլադիմիր Կերոյանը, հրաժարվելով Հոգևոր Ճեմարանից և սարկավագությունից, մեկնեց վանքից և վերադարձավ աշխարհական կյանքի:

ՄԱՐՏԻ 18-ին, ԵՐԵՎԱՆԻ, Մայր Աթոռ ժամանեց Ադրբեջանի թեմի առաջնորդական փոխանորդ Հոգեշնորհ Տ. Տիրայր վարդապետ Մարտիկյանը, որը Վեհափառ Հայրապետի կարգադրությամբ, զատկական տոների կապակցությամբ մարտի 27-ին մեկնելու է Ռումինիա և Բուլղարիա, երկու ափս ժամանակով:

ՄԱՐՏԻ 21-ին, ՈՒՐԱԹ, Հոգևոր ճեմարանի ուսանողությունը, դասախոսական կազմի մասնակցությամբ և վերատեսուչ գերաշնորհ Տ. Հայկազուն եպիսկոպոսի առաջնորդությամբ ուխտադնացության մեկնեց դեպի խոր Վիրապ, Ս. Գրիգոր Լուսավորչի վանքը:

Ժամը 11-ին խումբը հասավ Էջմիածնից խոր Վիրապ և Ս. Գրիգոր Լուսավորչի «սուկալի շարչարանացն և մտին ի վիրապն» տունին նվիրված «Այսօր դուրսեցանք» շարականի երգեցողությամբ ուսանողությունը և դասախոսական կազմը իջան խոր Վիրապ, որտեղ և կատարվեց նախատոնակ, հաջորդ օրվա տոնի կապակցությամբ: Ապա ուսանողությունը հանգամանորեն ծանոթացավ վանքի շրջապատին և եկեղեցուն: Հոգևոր ճեմարանի հայ ժողովրդի պատմության դասախոս Համո Հարությունյանը տվեց պատմական տեղեկություններ խոր Վիրապի և վանքի շինության մասին:

Ժամը 2-ին ուսանողությունը մեկնեց դեպի Դվին: Դասախոս Հ. Հարությունյանը այստեղ ևս տվեց բացատրություններ Դվինի Մայր եկեղեցու շինության, պատմության, Դվինի միջնաբերդի և քաղաքի հիմնադրության և պատմության մասին:

Երեկոյան ժամը 6-ին ուսանողությունը միօրյա այդ ուխտադնացությունից վերադարձավ Մայր Աթոռ լավագույն տպավորություններով:

ՄԱՐՏԻ 22-ին, ՇԱՐԱԹ, «աօն է Սրբոյն Գրիգորի Լուսավորչին մերոյ սոսկալի շարչարանացն և մտին ի վիրապն»: Մեծ տոնի արթնով ճեմարանը փակ է այսօր: Մայր Տաճարում, Ս. Գրիգոր Լուսավորչի սեղանի վրա, հանդիսավոր սուրբ պատարագ մատուցեց և քարոզեց գերաշնորհ Տ. Հայկազուն եպիսկոպոս Արքահայրանը, որպես բնաբան վերցնելով Ս. Գրիգոր Լուսավորչին նվիրված շարականի «Որ ի վիրապն անդնդաշին, քաղխներ նովա զգլուխ վիշապին, ի գբի ներքնումն իջմամբ նորին, բարձրացուցեր զմեզ ի յերկինս» տողերը, ծանրանալով մեր մեծ Լուսավորչի ի Հայաստան աշխարհ բերած փրկարար լույսի պատմական նշանակության վրա:

Սուրբ պատարագին ներկա էր Վեհափառ Հայրապետը:

ՄԱՐՏԻ 23-ին, ԳԱԼՍՅԱՆ ԿԻՐԱԿՆ, պատարագեց հոգեշնորհ Տ. Հուսիկ արևդա Սանթուրյանը և քարոզեց գերաշնորհ Տ. Վարդան եպիսկոպոս Սահակյանը՝ «Ո՞վ իցէ մարդ որ կեցցէ և ոչ մեղիցէ» բնաբանով:

ՄԱՐՏԻ 27-ին, ՀԻՆԳՇԱՐԹԻ, Հոգևոր ճեմարանի ուսանողության դասախոսեց բնութագրական գիտությունների դոկտոր պրոֆ. Պողոս Սվաճյանը՝ մարդու բնախոսական կազմվածքի մասին:

